



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Dominium sine virtute. tit. 281

urn:nbn:de:hbz:466:1-29452

Tertiò, mulier impudica est similis sepulchro foris dealbato & acervo fimi niue tecto, &cæt. Cyprianus de habitu virginum: Cum venerint tales superbè ornate mulieres ante conspectum Dei, dicit: Non te agnosco, non ego sic te creavi, non venies ad præmia mea. Tu teipsam fecisti pulchriorem, non es imago mea. Vultum tuum linuisti, crines composuisti, caput auro, collum pectus, &cæt. At dices: ego non intendo scandalizare aliquem. Respondeo. Esto, tu proba sis, at alios scandalizas, &c. qui autem scandalizat, expediret, vt mola asinaria, &cæt. Matth. 18. si diues es, habes pauperes. Idè Gerson parte 4. Hęc duo vitia superbus ornatus mulierum, & status mercatorum, non possunt sufficienter corrigi, &cæt.

*DOMINIVM SINE VIR-
tute.*

TITVLVS CCLXXXI.



Z E C H. 14. cap. inquit Dominus per Prophetam: Terra vel domus quæ peccauerit, extendam super eam manum meam, & conteram virgam panis eius, & immitam famem, & interficiam de ea hominem & iumentum: vbi autè fuerint in medio eius tres viri isti, Noe, Daniel & Iob, ipsi liberabunt iustitia sua animas suas, vide caput, si gladiū, si bestias, si pestilentia, &c. id est, si fides Danielis, timor Noe, patientia Iob ibi fuerit in tali domo aut terra, &c. sedit in lacu leonum Daniel, Daniel. 6. & 14. & fiducia sua stetit in Deum, sic in medio fornacis, capit. 3. Timet Noe Deum, ædificat arcam, prædicat pœnitentiam, regit in diluio arcã, Gen. 7. sedit Iob in sterquilino vlcerum, & inquit: Sit nomen Domini benedictum, Iob. 1. Illi erant Domini habentes virtutem, vnde edificabant subditos & regebant, & liberabant à periculo. Fides sperat & credit. Timor cauet peccata. Patientia

na sustinet crucem. Hæc conseruant domum, & familiam emendant, & hinc dat gratiam Deus. Si autem familia mala fuerit, nolens obedire, tunc virtus dominorum non liberabit eos, &c.

Secundò, Dominus igitur sine virtute dicitur, qui propter officium in superbiam eleuatur, nec se emendat, neq; subditos corrigit. Saul primum regnū cum humilitate suscepit, sed statim per superbiam contra Dominum peccauit, 1. Reg. 15. Salomon sedem patris obrinuit, & magnam sapiētiam habuit, ita quod nec ante eum, nec post eum rex ei similis in sapientia inuentus est, iuxta promissionem Dei, 3. Reg. 3. attamen tandē idololatria Dominum offendit, 3. Reg. 11. Ieroboam cum decem tribus ad se traxisset à regno Salomonis, cuius fuit seruus, idololatrare fecit populū & ire post vitulos aureos, 3. Reg. 12. Holofernes princeps populū, voluit populū à Deo auertere, Iudith. 1. Omnes isti fuerunt domini sine virtute, id est, timore DEI. O quot hodiè sunt Tyranni, qui sic regunt, quasi non habeant Deum supra se, putantes sibi licere quod lubet. Nemo agnoscit se seruum Dei & ministrum, Rom. 13. aut id, quod docet Petrus, 1. Petr. 4. Si quis ministrat, id est, officium regiminis habet, tantā ex virtute quam administrat Deus. sunt ergo tales Tyranni, qui scopant populū omni scopa, sed postea ad ignem pertinent.

Tertiò, inquit Spiritus sanctus in lib. Sap. 6. Potentes potenter tormenta patiētūr, id est, propter eorum superbiam & negligentiam atque tyrannidem quam exercuerunt in pios homines Christianos. Vbi nunc Diocletianus, Decius, Nero, & alij Tyranni persecutores Christianorum? descenderunt in profundum. & Christus tamen viuit in æternū, Rom. 6. Clamat innocens sanguis, effusus ab illis, in cælū, sicut Abelis super Cain, Gen. 4.

DE

618 SVMMA DOCTR. CHRIST.
DE PATIENTIA CHR.
Stianorum.

TITVLVS CCLXXXII.



ALVALTOR noster Christus Matth. 26. dum in horto crudeliter tractaretur & caperetur & ligaretur, voluit Petrus defendere Christum, & eduxit gladium, & percussit seruum pontificis, & abscidit auriculam eius dextram, sed corripitur à Christo, & iubetur gladium mittere in vaginam, & inquit: Nunquid putas me non posse rogare patrem, vt mittat mihi plus quàm 12. legiones angelorum? &c. Subindè sanat auriculam serui, sed tacto illo Christus voluit ostendere, vt Christiani, si persecutionem patientur propter fidem & veritatem catholicam, se non vindicent aut defendant, nec verbo, nec opere, sed gladium in vaginam mittant, id est, omnem impatientiam cohibeant. Vult enim Deus ad nostram coronam nos pati propter testimonium fidei & veritatis catholice, Matth. 5. Beati qui persecutionem patiuntur, &cetera. Alioqui Deus in momento posset occidere omnes inimicos fidei, sed expectat ad patientiam, Rom. 2. & propter nostram coronam.

Secundò, sic sanat auriculam serui, licet in eum grassatus fuerit, quo ostendit etiam nos debere orare pro nostris inimicis, vt simus filij patris, qui in caelis est, Matth. 5. Sic dicit Luc 21. In patientia vestra possidebitis animas vestras, id est, Deus ordinabit, quòd nostra patientia vincet tyrannidem, 2. Cor. 6. In multa patientia. Tumultuetur mundus quantum velit, si Deus pro nobis, quis contra nos? Romanor. 8. Nos facti sumus velut oues occisionis, Psal. 43. id est, iam sic existimatur ab incredulis, Ita cum Christo in patientia ad poenam crucis parati esse debemus, &c.
Tertiò, quarit B. Augustin. lib. de patientia, capit. 26. An